

200


SANCTISSIMI DOMINI NOSTRI DOMINI

CLEMENTIS

DIVINA PROVIDENTIA

PAPÆ XIII.

CONSTITUTIO.



R O M Æ

EX TYPOGRAPHIA SAC. CONGR. DE PROPAGANDA FIDE.

MDCCCLXII.

INIMODI IRTSOMI NOSTRI DOMINI

CLEMENS


DIVINI PRONIDENDIA

PAPAE XIII

CONSTITUTIONE

Wyższa Szkoła Pedagogiczna
w Bydgoszczy
Biblioteka Główna

S 2037



R O M A

EX TYPOGRAPHIA SAC. CONGREG. DE PROPAGANDA FIDE.

MDCCCXXXIII



CLEMENS EPISCOPUS

SERVUS SERVORUM DEI

AD PERPETUAM REI MEMORIAM.



UM omnium quidem Ecclesiarum, tum earum præfertim, quæ in remotissimis regionibus sunt constitutæ, decet Apostolicam Sedem curam gerere. Fideles enim illic degentes, vel Ecclesiæ corpori recens inserti, vel undique Paganorum ritibus, & superstitionibus circumdati, nisi novarum plantarum instar foveantur, irrigentur, diligenterque custodiantur, periculum est ne paulatim arefcant, in eisque fructum, quem optat, cælestis Paterfamilias non adinveniat. Hinc Romani Pontifices Prædecessores nostri,

quorum exemplum Nos quoque secuti sumus, in easdem Regiones Sæculares & Regulares Clericos bene multos, qui in agro Dominico operarentur, mittendos curarunt. Sed infensissimus humani generis inimicus, qui inter frumentum zizania superfeminare solet, discordiarum semina inter eorum aliquos spargere adeo consuevit, ut non raro sui muneris obliti, ac Apostolicæ legationis immemores, pro eo quod gentibus ac populis sedentibus in tenebris, & regione umbræ mortis fidei lucem ingerere, & ad veritatis agnitionem perducere curent, ipsi inter se levissimis de rebus maximas contentiones ineant: quod interdum eo usque protenditur, ut eodem temporis, ac loci vestigio, quo Evangelium salutis afferunt, & pacem Christianam annunciant, quam Christus discipulis suis velut unicam hæreditatem testamento reliquit, eas ipsi turbas excitant, ut qui eis adhærent, pro partium studio etiam ad arma concurrant, ac manus inter se non sine bonorum omnium gemitu conserant. Id vero eo acerbius ferimus, quo eorum dissidia Catholicæ fidei propagationi summo esse impedimento propemodum videamus, atque in messe multa veros Operarios adhuc paucos doleamus.

Diffidiorum causa ejusmodi est, quod dum e Regularibus nonnulli in vindi-

candis privilegiis toti occupantur, interim opus ministerii sui, in consummationem Sanctorum, & in ædificationem Corporis Christi, negligentes interdum quod ore docent, ac verbis adstruunt, factis negare, ac manu destruere videantur.

Nuper siquidem, non sine intimo cordis nostri dolore, accepimus, in Regno Tunikini in Indiis Orientalibus Regulares nonnullos, qui eodem ad Christi religionem propagandam missi sunt, sub obtentu conservandorum privilegiorum, quæ Regularibus eisdem ab Apostolica Sede concessa fuerunt, Conservatores Judices, ut vocant, præter ordinem, & contra Apostolicarum Constitutionum spiritum ac mentem tales sibi delegisse, quos nec ipsa instituti sui ratio pateretur; quique eo temeritatis pervenerunt, ut in Apostolicos nostros Vicarios ibidem degentes, quorum auctoritatem, ut religiosos viros decet, revereri debuissent, maximo cum Christiani nominis apud Ethnicos ipsos dedecore, gravique cum perturbatione illarum Ecclesiarum, excommunicationis, & suspensionis & interdicti sententiam ferre non dubitaverint.

De quibus omnibus cum a Vicario Apostolico ad Nos essent delatæ querelæ, requiem non habuit caro nostra, sed videntes tumultum in Domo Dei, in quæ ne contentiones quidem Apostolus patitur, pro Summi Pastoratus officio duximus tanto malo validioribus remediis quantocius occurrendum. Ut vero cautius in re tanti momenti procederemus, Congregationem particularem nonnullorum S. R. E. Cardinalium, qui negotiis Propagandæ Fidei præpositi sunt, ad rem totam examinandam instituimus. Qui quidem examen diligenter aggressi, primo dubium illud, an potuerit eligi in Conservatorem Superior Regularis temporarius, pro rei gravitate minime censuere statim, ac protinus definiendum, sed reservato examine ac decisione ejusmodi dubii, inter cætera pro re nata declararunt, inhærendo Constitutionibus Apostolicis, & Decretis alias editis.

1.º Quod denegata Regularibus vel dilata facultas excipiendi Confessiones, sufficiens causâ non fuerit eligendi sibi Conservatorem.

2.º Quod proinde qui illum ea de causâ elegerint Conservatorem, in excommunicationem inciderint ad formam *Cap. Fin. de off. & potest. Jud. Deleg. in 6.*, speciatim confirmati in *Constit. Gregorii XV.*, quæ incipit: *Sanctissimus*.

3.º Quod electus hujusmodi Conservator sub pœna suspensionis a divinis, ipso facto incurrenda, a Conservatoris nomine & officio omnino abstinere se debeat, nullis, ac nullius valoris declaratis omnibus huc usque ab eo actis, & deinceps forsitan agendis.

4.º Demum quod graviter moneantur Regulares omnes, ut in posterum remotis partium studiis, & proprii Ordinis commodis, ad animarum salutem unice invigilent, ne tandem Sedes Apostolica tot Episcoporum querelis fatigata, privilegia olim Regularibus concessa pro incremento Missionum, quæque nunc ad earundem perniciem tendere cernuntur, revocare cogatur: Atque ad hunc effectum, nequis esse possit ignorantia locus, hujusmodi Decretorum exemplar Superioribus Generalibus respectively intimerur, ut earundem observantiam & executionem sollicitè curent.

Quæ

Quæ quidem omnia cum essent a Nobis autoritate Apostolica confirmata, hoc tamen temporis intervallo in regionibus adeo diffitis discordiarum & scandalorum incendium nec restingui, nec temperari potuit, imo multo etiam magis auctum ac dilatatum est, adeo, ut graves querimonie ad Nos usque pervenerint, negata etiam fuisse in summo vitæ discrimine Sacramenta nonnullis eorum, qui Judicis Conservatoris judicio, & censuris non obtemperassent. Quibus ex causis haud diutius differendum dubii huc usque suspensi decisionem rata dicta Congregatio, deductis hinc inde juribus, & re mature perpensa, ac præ oculis habitis Constitutionibus Apostolicis, tum & fere communi juris Canonici peritorum consensu, ac præsertim resolutione Congr. Episcoporum ac Regularium negotiis præpositæ, quæ ab Archiepiscopo Turritano consulta: *An Regulares unius Conventus, Monasterii, vel Domus aliquem Priorem, Guardianum vel quemvis alium quavis Regulari dignitate fulgentem in suum Conservatorem eligere, vel deputare possint*, die 8. Octobris anni 1617. rescripsit: *non posse*: his, aliisque similibus Decretis inhærens die 8. Martii currentis anni, tandem in hunc modum propositum dubium resolvit: *Consulendum Sanctissimo, ut dignetur declarare Superiores Regulares temporarios nullibi, & in nullo casu posse eligi in Conservatores: in partibus autem Infidelium expedire ut Conservatores omnino non eligantur.*

Hoc Nobis relatum exhibitumque Decretum jam satis agnovimus quoad utramque partem Apostolicis Constitutionibus consentaneum & congruum. Jamdudum enim Prædecessores nostri^a Bonifacius VIII. in Constitutione, quæ incipit: *Statutum*:^b Gregorius XV. in Constitutione, quæ incipit: *Sanctissimus in Christo Pater*: & ^c Innocentius X. in literis in forma Brevis, quæ incipiunt: *Alias a Nobis*: animadvertentes Regulares, aliosque, quibus ab Apostolica Sede generale, sive speciale privilegium concessum est, ut possint sibi Judices Conservatores eligere, sub ejusmodi privilegii prætextu, Episcoporum, aliorumque Judicum ordinariam sive delegatam jurisdictionem perturbare; & electos Judices Conservatores suæ potestatis limites frequenter excedere, optimo sane consilio, dum privilegia ipsa sacra recta esse voluerunt, certum tamen modum Judicum Conservatorum electioni, certosque fines eorundem potestati imposuerunt, pœnis etiam adversus transgressores constitutis.

Horum igitur Summorum Pontificum Prædecessorum nostrorum vestigiis inherentes, de consilio Congregationis particularis supra memoratæ nonnullorum S. R. E. Cardinalium, qui negotiis Propagandæ Fidei præpositi sunt, videlicet Ven. Fr. Nostri Josephi S. R. E. Cardinalis Spinelli Episcopi Ostensis, & Sacri Collegii Decani, ac dilect. fil. nostrorum S. R. E. Cardinalium Stoppani, Galli, Antonelli, & Columnæ de Sciarra; motu proprio, ex certa scientia, & matura Nostra deli-

bera-

(a) Bonif. VIII. in cap. ult. de off. & potest. Jud. Deleg. in 6.

(b) Greg. XV. in Const. edita die 20. Septembris anno 1621.

(c) Innoc. X. in literis in forma Brevis die 27. Maji 1653.

beratione, Nos in primis Constitutiones easdem Bonifacii VIII., & Gregorii XV., necnon Apostolicas Literas in forma Brevis Innocentii X., quarum tenorem hic pro inserto haberi volumus, cum singulis declarationibus in eisdem contentis innovamus, & confirmamus; easdem Constitutiones & Apostolicas Literas plenum robur, & firmitatem habere volumus & mandamus.

Præterea, quoniam in iisdem Constitutionibus cautum est, ut ii dumtaxat in Judices Conservatores eligi possint, qui Dignitatem aut Personatum in Cathedrali, vel Collegiata Ecclesia obtinent, Nos eisdem Constitutionibus inherentes statuimus & declaramus: non licere quibuscumque in locis, Regularibus cujuscumque Ordinis, Monasterii vel Congregationis, Mendicantibus, vel non Mendicantibus, etiam Societatis Jesu, aliisque quantumvis expresse, & speciatim nominare eos oporteat; cæterisque quibus ab Apostolica Sede concessum est, ut Judices Conservatores sibi deligere possint, vigore cujuscumque privilegii, cui, quatenus opus sit, expresse derogamus, Præpositos, Rectores, Provinciales, Definidores, Custodes, Priores, Præfectos, Vicarios, Visitatores, aliosque quoscumque Superiores Regulares non perpetuos, sed temporarios proprii vel alterius Ordinis in Judices Conservatores eligere, quos hac in parte, & ad hunc effectum in dignitate Ecclesiastica constitutos non esse, eorundemque electionem, etiamsi fiat, servata in reliquis forma Constitutionis Gregorii XV., ipso jure irritam prorsus fore declaramus.

Tandem inherentes alias Decretis in Congregatione Generali de Propaganda Fide coram S. M. Urbano VIII. habita die 3. Februarii anni 1640., & prospectis etiam periculis, & scandalis, quæ ex electione Judicum Conservatorum in partibus Infidelium, plerumque in animarum perniciem, & publicæ tranquillitatis, atque Ecclesiasticæ Pacis perturbationem emergunt, juxta Decretum præfatæ Congregationis, autoritate Apostolica denunciamus, Regulares Mendicantes, & non Mendicantes, Monachos & Clericos Regulares cujuscumque Congregationis & Ordinis, etiam Societatis Jesu, aliosque, quamvis expresse & speciatim nominare eos oporteat, privilegio sibi concessio eligendi Judices Conservatores, quousque in partibus Infidelium degunt, ac Sacras Missiones exercent, nullo modo expedire *ut utantur*: sed omnes & singulos in offensionibus, & causis, quæ ipsorum Ordines, ac privilegia tangunt, ut ad Nos, & ad Apostolicam Sedem recurrant, ut ab hac Ecclesia Ecclesiarum omnium Matre & Magistra, cui nihil antiquius est, quam cuique sua jura servare, rectum judicium, ac remedium præstolentur.

Decernentes præsentibus Nostras Literas, & in eis contenta quæcumque, licet Superiores quorumcumque Ordinum etiam Generales vel Priores eisdem Generales seu Missionum, aut Missionarii ipsi vel ab eis deputati, aut alii quicumque in præmissis ac circa præmissa interesse habentes, vel habere prætendentes ad hæc vocati, citati, vel auditi, sive causæ, propter quas eadem præsentibus emanarint, sufficienter adductæ, justificatæ & verificatæ non fuerint, semper & perpetuo validas & efficaces existere, suosque plenarios & integros effectus sortiri & obti-

obtinere, ac ab omnibus inviolabiliter observari: ficque & non alias per quoscumque Judices Ordinarios vel Delegatos, quavisque autoritate fungentes, ac etiam Sanctæ Romanæ Ecclesiæ Cardinales etiam de Latere Legatos, dictæque Sedis Nuntios, ac Vicarios Apostolicos, seu Visitatores quibusvis facultatibus munitos, sublata eis, & eorum cuilibet quavis aliter judicandi & interpretandi facultate, & autoritate, judicari & definiri debere, irritum quoque & inane, si secus super his a quoquam quavis autoritate scienter vel ignoranter contigerit attentari.

Non obstantibus Sixti V. favore Ordinum Mendicantium & Pii V. ac Gregorii XIII. incipien.: *In supereminenti favore Clericorum Regularium Societatis Jesu extra Europam existentium*, ac quibusvis aliis Constitutionibus & Ordinationibus Apostolicis, necnon Ordinum & Institutum quorumcumque etiam Juramento, Confirmatione Apostolica, vel quavis firmitate alia roboratis Statutis & consuetudinibus: Privilegiis quoque Indultis & Literis Apostolicis etiam Mare Magnum, vel alias quomodolibet nuncupatis, eisdem Ordinibus, & Institutis, eorumque Superioribus & Prælatibus ac Personis: etiam Missionariis in limine quoque & actu primæ illorum expeditionis, ac subinde & successive, etiam per quoscumque Romanos Pontifices Prædecessores Nostros ac Sedem Apostolicam prædictam, & per Nos pariter quomodolibet concessis, confirmatis & iteratis vicibus approbatis & innovatis: Quibus, & aliis omnibus, quæ præsentibus quomodolibet obtare possent etiamsi de illis, eorumque totisque tenoribus, specifica & expressa ac individua, necnon de verbo ad verbum, non autem per clausulas generales idem importantes mentio seu quævis alia expressio habenda, aut aliqua alia exquisita forma ad hoc servanda foret, eorumque tenores pro plene & sufficienter præsentibus expressis, & totaliter insertis habentes, illis alias in suo robore permanens, hac vice dumtaxat, specialiter & expresse, amplissime & plenissime, necnon opportune & valide derogamus, & derogatum esse volumus, cæterisque contrariis quibuscumque.

Ut autem præsentibus Nostræ Literæ ad omnium notitiam deducantur, neque aliquis earum ignorantiam prætere, aut contra eas se excusare valeat; volumus & mandamus earum exemplar Superioribus Generalibus Ordinum, Congregationum & Institutum prædictorum, seu illorum Procuratoribus Generalibus in Urbe existentibus, & quibus Missionarii quicumque extiterint, a dicta Congregatione de Propaganda Fide tradi debere. Quodque post traditionem hujusmodi omnes & illos, quos concernunt & concernent in futurum, perinde arceant & afficiant ac si eorum cuilibet personaliter intimatæ fuissent.

Volumus etiam quod earundem præsentium Transumptis etiam impressis Manu alicujus Notarii publici subscriptis, & sigillo Dilecti Filii moderni & pro tempore existentis dictæ Congregationis a Secretis munitis eadem prorsus fides in judicio & extra ubique Gentium & Locorum adhibeatur, quæ iisdem præsentibus adhiberetur si originaliter exhibitæ forent vel ostensæ.

Nulli

Nulli ergo omnino hominum liceat hanc paginam Nostrarum Confirmationis Innovationis Mandati Statuti Declarationis Decreti Derogationis & Voluntatis infringere, vel ei ausu temerario contraire: si quis autem hoc attentare presumpserit indignationem Omnipotentis Dei ac Beatorum Petri & Pauli Apostolorum eius se noverit incursum.

Datum Romae apud Sanctam Mariam Majorem, Anno Incarnationis Dominicae Millesimo Septingentesimo Sexagesimosecundo, Nono Kalendas Maji, Pontificatus Nostri Anno Quarto.

C. Card. Pro-Datarius. N. Card. Antonellus.

VISA DE CURIA

J. Manassei.

Loco ✕ Plumbi.

L. Eugenius.

Registrata in Secretaria Brevium.